



CONVENIO DE COLABORACIÓN ENTRE A AXENCIA TURISMO DE GALICIA E A ASOCIACION DISCAMINO DE SANTIAGO PARA A ADQUISICIÓN DUN VEHICULO ADAPTADO.

MEMORIA XUSTIFICATIVA

O xerente de Turismo de Galicia

DECLARA:

Que esta Axencia Turismo de Galicia formalizou coa Asociación Discamino de Santiago, o instrumento convencional arriba referido por un período de vixencia que abrangue dende o día da súa sinatura ata o 31 de decembro de 2021.

Que o instrumento convencional ten por obxecto establecer o marco de colaboración entre Axencia Turismo de Galicia e a Asociación Discamino de Santiago para a adquisición dun vehículo adaptado para cadeiras de rodas, con plataforma eléctrica, que permita axudar ao traslado dos usuarios no percorrido do Camiño.

Que existe converxencia de intereses entre as entidades asinantes en orden á consecución obxecto referido.

Que o instrumento convencional que se pretende asinar se **fundamenta** no seguinte:

Primeiro.- A Axencia Turismo de Galicia, segundo o Decreto 196/2012, do 27 de setembro, é a entidade pública instrumental da Comunidade Autónoma que ten como obxectivo impulsar, coordinar e xestionar a política autonómica en materia de turismo e, en especial, a promoción e a ordenación do turismo dentro da comunidade e a conservación e promoción dos camiños de Santiago.

Para lograr esta finalidade a Axencia Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos. No exercicio das súas funcións correspóndelle, a dirección e coordinación das actuacións relacionadas coa posta en valor cultural e turístico do Camiño de Santiago, a súa promoción, a xestión da imaxe corporativa do Xacobeo e da rede de albergues, e o mantemento e conservación dos camiños e a súa sinalización, así como calquera outra acción que redunde en beneficio do Camiño de Santiago.





Segundo.- A Asociación Discamino de Santiago é unha asociación deportivo-cultural privada sen ánimo de lucro que ten por obxecto o fomento e practica de actividades físico deportivas para persoas con discapacidade. Así mesmo ten como obxectivo facilitar que todas as persoas que o desexen poidan completar unha peregrinación a Santiago de Compostela, facendo difusión cultural do Camiño e facendo do Camiño accesible a persoas con discapacidade, sendo por tanto unha asociación de amigos do Camiño de Santiago.

Terceiro.- O Plan Estratéxico do Turismo de Galicia constrúese co propósito de consolidar un destino competitivo, cun gran valor estratéxico na economía galega.

Para o desenvolvemento da presente Estratexia de Turismo non debemos de esquecer que en relación ao Camiño de Santiago este conta co seu propio Plan Director, polo que non cabe realizar novas aportacións estratéxicas e tan só se amosa un resumo dos seus principais contidos coa finalidade de non perder a visión global do sistema turístico galego.

O Plan Director do Camiño de Santiago 2015-2021 supón unha ferramenta de xestión para a Xunta de Galicia e unha folla de ruta que marca as directrices para favorecer a conservación e protección do Camiño na nosa comunidade autónoma, atendendo a todos os axentes, públicos e privados, implicados no mesmo.

Cuarto.- A Asociación quere impulsar no ano Xacobeo 21 un proxecto que consiste nun Camiño que sae de enlazar varios Camiños: dous persoas con discapacidade farán o percorrido completo e outros dez participarán nos distintos tramos, un ou dous por cada tramo e todos, cada un co seu piloto, pedalearán a penúltima etapa para chegar xuntos a Santiago.

Quinto.- O Camiño de Santiago é unha opción sempre construtiva, onde cada persoa logra, dalgún modo, resituarse, relativizar e reevaluar a súa propia existencia. Ao longo dos últimos anos, varios centenares de persoas conseguise culminar o Camiño en cadeira de rodas. A Axencia Turismo de Galicia quere contribuír e facilitar que todas as persoas que o desexen poidan acometer esta experiencia, superando calquera límite ou obstáculo.

Sexto.- A Asociación Discamino de Santiago é a única entidade que pode desenvolver a actuación subvencionada, ao ser a única con estas características que fomenta e promociona o Camiño entre as persoas con discapacidade e de acordo coas específicas necesidades inherentes ao colectivo ao que van dirixidas, considéranse razóns que acreditan o seu interese público e social e, polo tanto, non é posible promover a concorrência pública





XUNTA DE GALICIA

VICEPRESIDENCIA PRIMEIRA E
CONSELLERÍA DE PRESIDENCIA,
XUSTIZA E TURISMO
Turismo de Galicia

galicia

Que a través deste convenio, outórgase a Asociación Discamino de Santiago unha subvención directa en virtude do disposto no artigo 19.4 c) da Lei 9/2007, do 13 de xuño, de Subvencións de Galicia, polas razóns de interese público, expostas nos puntos anteriores e que dificultan a súa convocatoria pública, de conformidade co previsto no artigo 26.2.a) da Lei 9/2007 do 13 de xuño, de subvencións de Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, pola que se transpoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela

O xerente de Turismo de Galicia

Emilio José de la Iglesia Lema



Xacobeo 2021